

Headline	TH akan teliti rayuan jalani ibadah ikut kes		
MediaTitle	Berita Harian	Color	Full Color
Date	18 Feb 2019	Circulation	69,985
Section	Nasional	Readership	209,955
Page No	7	ArticleSize	402 cm ²
Language	Malay	AdValue	RM 13,857
Journalist	Shamsul Kamal Amarudin	PR Value	RM 41,572
Frequency	Daily		



[FOTO L MANIMARAN/BH]

Mujahid (tujuh dari kiri) menggaul Yee Sang pada Majlis Sambutan Tahun Baharu Cina Masjid Muhammadiyah (Masjid Cina) di Taman Tasek Jaya, Ipoh, semalam.

ISU SUBSIDI JEMAAH HAJI

TH akan teliti rayuan jalani ibadah ikut kes

Orang ramai digesa usah percaya mesej tular menerusi media sosial

Oleh Shamsul Kamal Amarudin
shaka@nstp.com.my

Ipoh

Tabung Haji (TH) akan meneliti rayuan bahal jemaah haji yang merayu yang kononnya tidak lagi akan menerima subsidi untuk ibadah itu, secara kes demik kes.

Menteri di Jabatan Perdana Menteri, Datuk Seri Dr Mujahid Yusof, berkata biasanya antara 1,000 hingga 2,000 bahal jemaah haji tidak pergi ke Makkah walaupun sudah ditawarkan.

"Kadang-kadang (jumlahnya) lebih, daripada (kekongsongan) situ baru rayuan dibuka, apabila tiba fasa rayuan, baru kita tengok (sama ada diberi subsidi atau tidak) berdasarkan kes, jadi tidak timbul isu kita potong subsidi," katanya pada sidang media selepas merasmikan sambutan Ta-

hun Baharu Cina Masjid Muhammadiyah (Masjid Cina) di Taman Tasek Jaya di sini, semalam.

Justeru, katanya, orang ramai dinasihatkan tidak percaya kepada mesej yang ditularkan menerusi media sosial oleh pihak tertentu yang mungkin berniat jahat.

Usah percaya fitnah

"Percaya kepada kami dan jangan percaya kepada (fitnah) WhatsApp. Semalam saya sudah berhubung dengan pegawai TH, tapi bukan secara rasmi dan akan mengadakan pertemuan dengan TH pada Isnin ini (hari ini) untuk berbincang me-



Apabila tiba fasa rayuan, baru kita tengok (sama ada diberi subsidi atau tidak) berdasarkan kes, jadi tidak timbul isu kita potong subsidi"

Mujahid Yusof,
Menteri di Jabatan
Perdana Menteri

ngenai perkara ini.

"Lebih penting (tidak mahu) ada orang ambil kesempatan dan panjangkan kisah ini kononnya kerajaan hari ini tidak prihatin dengan Islam, mansuhkan subsidi (haji) tidak kira orang susah, bagi saya ini lebih kepada politik daripada betul-betul nak tolong orang susah (menerusi penyebaran maklumat palsu itu)," katanya.

Sebelum ini, timbul dakwaan kononnya tiada subsidi kepada pengiring jemaah haji susulan jawapan daripada pentadbir akaun Facebook TH baru-baru ini ketika menjawab komen seorang pengguna laman sosial itu.

Kelmarin, Mujahid dilaporkan berkata, TH akan mempertimbangkan kadar kemampuan bagi pengiring dan jemaah yang berjaya dalam rayuan mereka untuk menunaikan fardhu haji daripada membayar kos pernah tanpa subsidi.

Beliau dilaporkan berkata, setakat ini TH dan kerajaan tidak mengeluarkan sebarang kenyataan rasmi berhubung dasar baharu tanpa subsidi bagi jemaah haji yang berjaya dalam rayuan, maupun individu yang mengiringi mahram bagi menuaikan ibadah itu lebih awal daripada tahun peruntukan.